

## **Ethica Amoris, Sive Theologia Sanctorum, Magni Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones  
Strenuè propugnata, Et In Materiis Principaliter Hodie Controversis  
Fundamentaliter discussa

De Generalibus Principiis Amoris Et Morum - Prolegomena septem,  
Librosque undecim complectens

**Henricus, de Sancto Ignatio**

**Leodii, 1709**

Caput XCVII. Corollarium septimum: Eos Spiritus sanctus meritò  
reprehendit, pœnaque cætatis castigat, qui varios adeunt Doctores, usque  
cupiditati indulgentem.

---

[urn:nbn:de:hbz:466:1-73187](https://nbn-resolving.de/urn:nbn:de:hbz:466:1-73187)

## Amor conscientiosus.

933

### C A P U T X C V I I .

**Corollarium septimum:** *Eos Spiritus sanctus meritò reprobet, pènèque cœcitatibus castigat, qui vario aduentu Doctores, usque dum invenerint loquenter placentia, siveque cupiditati indulgentem.*

**¶ 147** *E* Scobar & Palao, post Sanchez, licitum putant, varios adire Doctores, donec occurrat qui ( secundum opinionem quamcumque, etiam minus probabilem ) respondeat ad libitum. Sed imprimis falso supponunt; utique licitum esse usum opinionei cœfuscumque, etiam minus probabilis. Deinde rametsi per se illicitum non sit varios adire Doctores, dummodo veritas potius quam propria libertas & commoditas sincere atque efficaciter intendatur: erratici tamen illi, de Doctori ad Doctorem circumfusantes, suam potius libertatem, commoditatemque, quam veritatem querere convincuntur, partim ex eo quod non cessent querere donec sua libertati reperiant indulgentem, cessent vero dum talem repererint: partim ex eo quod sincerus inquisitor veritatis non conquiscat donec vel opinionem veram invenierit, vel ( si veram aliquid non possit ) saltem veritati, quam falsitati propiorem. Erratici vero illi conquiscent in opinione suis commoditatibus propria, etiam dum minus probabilem esse cognoscunt, atque adeo propiorem falsitati, quam veritati.

**¶ 148** *I*llustre similem hominum exemplum, S. Scriptura exhibit in Balaam, quem cum, promissis muneribus, Balac Rex Ammonitarum vocasset ad maledicendum Dei populum, consuluit Dominum; a quo responsum accepit, ne id faceret. Rege vero majora offerente munera, renuit quidem in speciem, dicens, pro nulla re se velle ab officio dimoveri: *Si dedecit mihi Balac plenam domum suam argenti & auri, non potero immutare verbum Domini Dei mei, ut plus, vel minus loquar.* Sed nec sincere, nec efficaciter, ut satis offendit, dum non contentus semel consuluisse Dominum, ejusque cognovisse voluntatem, ad occultam voluntatem, seu cupiditatem suam, Deum inflectere volens, rufum consuluit, ac per hoc ibi se viatum cupiditate mortificauit ( inquit Augustinus l. 4. in Numeros q. 48.) ubi loqui sibi Dominum de hac re iterum voluit, de qua ejus jam cognoverat voluntatem. Proinde Dominus, videntis ejus cupiditatem captam, deviliamque muneribus, permisit eum ire; hoc ipso confundens ejus dementiam, quod prohibitionem Dei transgredi asina non auderet, quam ille cupiditate transgredi conaretur, quamvis eam cupiditatem timore suppresseret. Enimvero cur, post istam permissionem, Dominum iterum non consuluit, & post istam prohibitionem iterum consulendum putavit, nisi quia ejus maligna cupiditas apparebat, quamvis timore Domini premeretur?

*Tom. I.*

En expressam figuram eorum, qui suis deci-  
ti cupiditatibus, tamdiu Dominum consulunt;  
sive Domini loco Casuistæ, donec acceperint  
responsum ad placitum, quo accepto non am-  
plius consulunt; non accepto vero consulere  
non cessant, ut per hoc non minus appareat  
latens cupiditas ipsorum, quam apparuerit in  
Balaam, tametsi eam revelata facie non au-  
deant aperte demonstrare, sed aliquo Dei ti-  
more suppressam pallio alicujus probabilitatis  
conentur obtegere. Ideoque Deus justo judi-  
cio permittit eos in errorem ire, spargens poe-  
nales cœcitatibus super illicitas cupiditates, ut Au-  
gustinus ibidem ait.

Ita est pena coacervantium sibi Magistros, *¶ 149*  
prudentes auribus, qui ( sicut Isaías ait ) di-  
cunt videntibus ( non quidem verbis expressis,  
sed occultâ intentione ) nolite videre: *& ap-  
cientibus, nolite aspicere nobis ea quae recta sunt:  
loquimini nobis placentia, videte nobis errores.*  
Eadem penam his verbis expressam legimus  
Ezech. 14. *Fili hominis, viri tui posuerunt im-  
munditias suas in cordibus suis... numquid in-  
terrogatus respondebo eis?... Hoc dicit Dominus  
Deus: homo, homo de Israël, qui posue-  
rit imunditias suas in corde suo... & venerit  
ad Prophetam, interrogans per eum me, ego  
Dominus respondebo ei in multitudine im-  
munditiarum suarum.... Et ponam eum in exem-  
plum, & in proverbium, & disperdam eum  
de medio populi mei, & scietis quia ego Domi-  
nus. Et Prophetæ cum erraverit, & locutus fa-  
ciat verbum, ego Dominus decepi Prophetam illo-  
lum... juxta iniquitatem interrogantis, sic ini-  
quitas Prophetæ erit, ut non erret ultra domus  
Israël à me, &c. Ut enim Spiritus sanctus  
ait Eccl. 37. *Qui querit legem, replebitur ab  
ea; & qui insidioso agit ( prout illi faciunt )  
scandalizabitur in ea.* Et 2. Thessal. 2. *Eò quod  
charitatem veritatis non receperunt, ut salvi  
fierent, idèo mittet illis Deus operationem era-  
roris, ut credant mendacio,**

### C A P U T X C V I I I .

**Corollarium octavum:** *Varia dicta Veterum  
de benignitate in consiliis sectanda, nec fa-  
cile condemnando aliquid de mortali, per-  
petram à variis Recentioribus intelliguntur.*

**B**enignitate in consiliis sectandam, ni-  
biamque austerioritatem vitandam, Veteres  
jure monuerunt, & nos cum ipsis idipsum  
multiplici sacrarum Litterarum & SS. Patrum  
authoritate ostendimus: Prolegom. 2. c. 18.  
*Benignus est enim spiritus sapientia.* Sap. 1. Hinc  
Gerlon timoratorum consolator 3. p. lect. 4. de  
vit. spir. litt. D. Theologi ( inquit ) non debent  
esse faciles ad afferendum alias actiones, vel  
omissiones esse peccata mortalia, praesertim sub  
verbo universalis ( maxime cum observatio com-  
muni obnivitur ) ubi non sunt certissimi de re  
ipsa, nec talia sunt predicanda populo tamquam  
certa. Nam per hujusmodi assertiones voluntas  
rigidas, duras, & nimis strictas, in rebus

*CCCCC 2*